

| अथ पञ्चमाष्टकः |

(प्रथमोऽध्यायः ॥ वर्गाः 1-27)

(11)

62

(म.6, अनु.6)

ऋषिः भरद्वाजः बार्हस्पत्यः

छन्दः त्रिष्टुप्

देवता अश्विनौ

स्तुषे नरा दिवो अस्य प्रसन्ताऽश्विना हुवे जरमाणो अर्केः |  
या सद्य उसा व्युषि ज्मो अन्तान्युयूषतः पर्युरू वरांसि || 1 ||  
ता यज्ञमा शुचिभिश्चक्रमाणा रथस्य भानुं रुरुचू रजोभिः |  
पुरू वरांस्यर्मिता मिमानाऽपो धन्वान्यति याथो अज्रान् || 2 ||  
ता ह त्यद्वर्तियदरध्रमुग्रेत्या धिय ऊहथुः शश्वदश्वैः |  
मनोजवेभिरिषिरैः श्यध्यै परि व्यथिर्दाशुषो मर्त्यस्य || 3 ||  
ता नव्यसो जरमाणस्य मन्मोप भूषतो युयुजानसप्ती |  
शुभं पृक्षमिषमूर्जं वहन्ता होता यक्षत्प्रतो अध्रुग्युवाना || 4 ||  
ता वल्लू दुसा पुरुशाकतमा प्रता नव्यसा वचसा विवासे |  
या शंसते स्तुवते शंभविष्ठा बभूवतुर्गृणते चित्रराती || 5 ||  
ता भुज्युं विभिरुद्ध्यः समुद्रात्तुग्रस्य सूनुमूहथू रजोभिः |  
अरेणुभिर्योजनेभिर्भुजन्ता पत्रिभिरर्णसो निरुपस्थात् || 6 ||  
वि ज्युषा रथ्या यातमद्रिं श्रुतं हवं वृषणा वध्रिमत्याः |  
दशस्यन्ता श्यवै पिप्यथुर्गामिति च्यवाना सुमतिं भूरण्यू || 7 ||  
यद्रोदसी प्रदिवो अस्ति भूमा हेळो देवानामुत मर्त्यत्रा |  
तदादित्या वसवो रुद्रियासो रक्षोयुजे तपुरुघं दधात || 8 ||  
य ई राजानावृतुथा विदध्रजसो मित्रो वरुणश्चिकेतत् |  
गम्भीराय रक्षसे हेतिमस्य द्रोघाय चिद्वचस आनवाय || 9 ||  
अन्तरैश्चक्रैस्तनयाय वर्तिर्द्युमता यातं नृवता रथेन |  
सनुत्येन त्यजसा मर्त्यस्य वनुष्यतामपि शीर्षा ववृक्तम् || 10 ||  
आ परमाभिरुत मध्यमाभिर्नियुद्धिर्यातमवमाभिर्वाक् |  
दृळ्हस्य चिद्रोमतो वि व्रजस्य दुरो वर्त गृणते चित्रराती || 11 ||

(11)

63

(म.6, अनु.6)

ऋषिः भरद्वाजः बार्हस्पत्यः छन्दः विराट् 1, त्रिष्टुप् 2-10, एकपदा त्रिष्टुप् 11

देवता अश्विनौ

क्वश्या वल्लू पुरुहूताद्य दूतो न स्तोमोऽविदन्नमस्वान् |  
आ यो अर्वाङ्नासत्या ववर्त प्रेष्ठा ह्यसथो अस्य मन्मन् || 1 ||  
अरं मे गन्तुं हवनायास्मै गृणाना यथा पिबाथो अन्धः |

परि ह त्यद्विर्तियाथो रिषो न यत्परो नान्तरस्तुत्यात्	॥ 2 ॥
अकारि वामन्धसो वरीमन्नस्तारि बर्हिः सुप्रायणतमम्	
उत्तानहस्तो युवयुर्ववन्दा वां नक्षन्तो अद्रय आजन्	॥ 3 ॥
ऊर्ध्वो वामग्रिंध्वरेष्वस्थात्प्र रातिरेति जूर्णिनीं घृताचीं	
प्र होतां गूर्तमना उराणोऽयुक्त यो नासत्या हवीमन्	॥ 4 ॥
अधि श्रिये दुहिता सूर्यस्य रथं तस्थौ पुरुभुजा शतोतिम्	
प्र मायाभिर्मायिना भूतमत्र नरा नृतू जनिमन्यज्ञियानाम्	॥ 5 ॥
युवं श्रीभिर्दर्शताभिराभिः शुभे पुष्टिमूहथुः सूर्यायाः	
प्र वां वयो वपुषेऽनु पत्नक्षद्वानी सुष्टुता धिष्यया वाम्	॥ 6 ॥
आ वां वयोऽश्वासो वहिष्ठा अभि प्रयो नासत्या वहन्तु	
प्र वां रथो मनोजवा असर्जीषः पृक्ष इषिधो अनु पूर्वीः	॥ 7 ॥
पुरु हि वां पुरुभुजा देष्णं धेनुं न इषं पिन्वतमसक्राम्	
स्तुतश्च वां माध्वी सुष्टुतिश्च रसाश्च ये वामनु रातिमग्मन्	॥ 8 ॥
उत म ऋज्रे पुरयस्य रध्वी सुमीळहे शतं पैरुके च पृका	
शाण्डो दाद्धिरणिनः स्मद्विष्टीन्दश वशासो अभिषाच ऋष्वान्	॥ 9 ॥
सं वां शता नासत्या सहस्राश्वानां पुरुपन्था गिरे दात्	
भुरद्वाजाय वीरु नू गिरे दाद्धता रक्षांसि पुरुदंससा स्युः	॥ 10 ॥
आ वां सुप्ने वरिमन्तसूरिभिः ष्याम्	॥ 11 ॥

(6)

64

(म.6, अनु.6)

ऋषिः भरद्वाजः बार्हस्पत्यः

छन्दः त्रिष्टुप्

देवता उषाः

उदु श्रिय उषसो रोचमाना अस्थुरपां नोर्मयो रुशन्तः	
कृणोति विश्वा सुपथा सुगान्यभूदु वस्वी दक्षिणा मघोनीं	॥ 1 ॥
भद्रा ददक्ष उर्विया वि भास्युत्ते शोचिर्भानवो द्यामपत्तन्	
आविर्वक्षः कृणुषे शुम्भमानोषो देवि रोचमाना महोभिः	॥ 2 ॥
वहन्ति सीमरुणासो रुशन्तो गावः सुभगांमुर्विया प्रथानाम्	
अपेजते शूरो अस्तेव शत्रून्बाधते तमो अजिरो न वोळ्हा	॥ 3 ॥
सुगोत ते सुपथा पर्वतेष्ववाते अपस्तरसि स्वभानो	
सा नू आ वह पृथुयामनृष्वे रयिं दिवो दुहितरिष्यध्यै	॥ 4 ॥
सा वह योक्षभिरवातोषो वरं वहसि जोषमनु	
त्वं दिवो दुहितर्या ह देवी पूर्वहूतौ मंहना दर्शता भूः	॥ 5 ॥
उत्ते वर्यश्चिद्वस्तेरपत्नरंश्च ये पितुभाजो व्युष्टौ	
अमा सते वहसि भूरिं वाममुषो देवि दाशुषे मर्त्याय	॥ 6 ॥

(6)

65

(म.6, अनु.6)

ऋषिः भरद्वाजः बार्हस्पत्यः

छन्दः त्रिष्टुप्

देवता उषाः

एषा स्या नो दुहिता दिवोजाः क्षितीरुच्छन्ती मानुषीरजीगः	
या भानुना रुशता राम्यास्वजायि तिरस्तमसश्चिदुकून्	1
वि तद्युररुणयुग्भिर्श्वैश्चित्रं भान्त्युषसश्चन्द्ररथाः	
अग्रं यज्ञस्य बृहतो नयन्तीवि ता बाधन्ते तम् ऊर्म्यायाः	2
श्रवो वाजमिषमूर्जं वहन्तीनि दाशुष उषसो मर्त्याय	
मघोनीर्वीरवृत्पत्यमाना अवो धात विधते रत्नमद्य	3
इदा हि वो विधते रत्नमस्तीदा वीराय दाशुष उषासः	
इदा विप्राय जरते यदुकथा नि ष्म मावते वहथा पुरा चित्	4
इदा हि त उषो अद्रिसानो गोत्रा गवामङ्गिरसो गृणन्ति	
व्यर्केण बिभिदुर्ब्रह्मणा च सत्या नृणामभवद्देवहूतिः	5
उच्छा दिवो दुहितः प्रत्वन्नो भरद्वाज्वद्विधते मघोनि	
सुवीरं रयिं गृणते रिरीह्युरुगायमधि धेहि श्रवो नः	6

(11)

66

(म.6, अनु.6)

ऋषिः भरद्वाजः बार्हस्पत्यः

छन्दः त्रिष्टुप्

देवता मरुतः

वपुर्नु तच्चिकितुषे चिदस्तु समानं नाम धेनु पत्यमानम्	
मतेष्वन्यदोहसे पीपाय सकृच्छुक्रं दुदुहे पृश्निरूधः	1
ये अग्रयो न शोशुचन्निधाना द्विर्यत्रिर्मरुतो वावृधन्त	
अरेणवो हिरण्ययास एषां साकं नृम्णैः पौंस्योभिश्च भूवन्	2
रुद्रस्य ये मीळहुषः सन्ति पुत्रा यांश्चो नु दाधृविर्भरंध्यै	
विदे हि माता म्हो म्ही षा सेत्पृश्नः सुभ्वेर्गर्भमाधात्	3
न य ईषन्ते जनुषोऽया न्वश्न्तः सन्तोऽवृद्यानि पुनानाः	
निर्यद्दुहे शुचयोऽनु जोषमनु श्रिया तन्वमुक्षमाणाः	4
मक्षू न येषु दोहसे चिदया आ नाम धृष्णु मारुतं दधानाः	
न ये स्तौना अयासो म्हा नू चित्सुदानुरव यासदुग्रान्	5
त इदुग्राः शर्वसा धृष्णुषेणा उभे युजन्त रोदसी सुमेके	
अध स्मेषु रोदसी स्वशोचिरामवत्सु तस्थौ न रोकः	6
अनेनो वो मरुतो यामो अस्त्वनश्वश्चिद्यमजत्यरथीः	
अनुवसो अनभीशू रजस्तूवि रोदसी पथ्या याति साधन्	7
नास्य वर्ता न तरुता न्वस्ति मरुतो यमवथु वाजसातौ	

तोके वा गोषु तनये यमप्सु स व्रजं दर्ता पार्ये अधु द्योः	॥ 8 ॥
प्र चित्रमर्कं गृणते तुराय मारुताय स्वतवसे भरध्वम्	
ये सहांसि सहसा सहन्ते रेजते अग्रे पृथिवी मुखेभ्यः	॥ 9 ॥
त्विषीमन्तो अध्वरस्यैव दिद्युत्पुच्यवसो जुहोर्नाग्रेः	
अर्चत्रयो धुनयो न वीरा भ्राजज्जन्मानो मरुतो अधृष्टाः	॥ 10 ॥
तं वृधन्तं मारुतं भ्राजदृष्टिं रुद्रस्य सूनुं हवसा विवासे	
दिवः शर्धाय शुचयो मनीषा गिरयो नाप उग्रा अस्पृधन्	॥ 11 ॥

(11)

67

(म.6, अनु.6)

ऋषिः भरद्वाजः बार्हस्पत्यः	छन्दः त्रिष्टुप्	देवता मित्रावरुणौ
----------------------------	------------------	-------------------

विश्वेषां वः सुतां ज्येष्ठतमा गीर्भिर्मित्रावरुणा वावृधध्यै	
सं या रश्मेव यमतुर्यमिष्टा द्वा जनाँ असमा बाहुभिः स्वैः	॥ 1 ॥
इयं मद्वां प्र स्तृणीते मनीषोप प्रिया नमसा बर्हिरच्छ	
यन्तं नो मित्रावरुणावधृष्टं छर्दिर्यद्वाँ वरूथ्यं सुदानू	॥ 2 ॥
आ यातं मित्रावरुणा सुशस्त्युप प्रिया नमसा हूयमाना	
सं यावप्रःस्थो अपसेव जनाञ्छुधीयतश्चिद्यतथो महित्वा	॥ 3 ॥
अश्वा न या वाजिनां पूतबन्धू ऋता यद्गर्भमदितिर्भरंध्यै	
प्र या महिं महान्ता जायमाना घोरा मर्ताय रिपवे नि दीधः	॥ 4 ॥
विश्वे यद्वाँ मंहना मन्दमानाः क्षत्रं देवासो अदधुः सजोषाः	
परि यद्भूथो रोदसी चिदुर्वी सन्ति स्पशो अदब्धासो अमूराः	॥ 5 ॥
ता हि क्षत्रं धारयेथे अनु द्यून्हेथे सानुमुपमादिव द्योः	
दृळ्हो नक्षत्र उत विश्वदैवो भूमिमातान्द्यां धासिनायोः	॥ 6 ॥
ता विग्रं धैथे जठरं पृणध्या आ यत्सद्म सभृतयः पृणन्ति	
न मृष्यन्ते युवतयोऽवाता वि यत्पयो विश्वजिन्वा भरन्ते	॥ 7 ॥
ता जिह्वया सदमेदं सुमेधा आ यद्वाँ सत्यो अरतिर्ऋते भूत्	
तद्वाँ महित्वं घृतान्नावस्तु युवं दाशुषे वि चयिष्टमंहः	॥ 8 ॥
प्र यद्वाँ मित्रावरुणा स्पुर्धन्त्रिया धाम युवधिता मिनन्ति	
न ये देवास ओहसा न मर्ता अयज्ञसाचो अप्यो न पुत्राः	॥ 9 ॥
वि यद्वाचं कीस्तासो भरन्ते शंसन्ति के चिन्निविदो मनानाः	
आद्वाँ ब्रवाम सत्यान्युक्था नर्किर्देवेभिर्यतथो महित्वा	॥ 10 ॥
अवोरिथा वाँ छर्दिषो अभिष्टौ युवोर्मित्रावरुणावस्कृधोयु	
अनु यद्वावः स्फुरानृजिप्यं धृष्णं यद्रणे वृषणं युनर्जन्	॥ 11 ॥

ऋषिःभरद्वाजः बार्हस्पत्यः

छन्दः त्रिष्टुप् 1-8,11, जगती 9-10

देवता इन्द्रावरुणौ

श्रुष्टी वां यज्ञ उद्यतः सजोषा मनुष्वद्वृक्तर्बर्हिषो यजथ्यै	
आ य इन्द्रावरुणाविषे अद्य महे सुम्राय मह आववर्तत्	॥ 1 ॥
ता हि श्रेष्ठा देवताता तुजा शूराणां शविष्ठा ता हि भूतम्	
मघोनां मंहिष्ठा तुविशुष्मं ऋतेन वृत्रतुरा सर्वसेना	॥ 2 ॥
ता गृणीहि नमस्यैभिः शूषैः सुम्नेभिरिन्द्रावरुणा चक्राना	
वज्रेणान्यः शर्वसा हन्ति वृत्रं सिषक्त्यन्यो वृजनेषु विप्रः	॥ 3 ॥
ग्राश्च यन्नरंश्च वावृधन्त विश्वे देवासौ नरां स्वगूर्ताः	
प्रेभ्य इन्द्रावरुणा महित्वा द्यौश्च पृथिवि भूतमुर्वी	॥ 4 ॥
स इत्सुदानुः स्ववाँ ऋतावेन्द्रा यो वाँ वरुण दाशति त्मन्	
इषा स द्विषस्त्रेद्वास्वान्वंसद्रयिं रयिवतश्च जनान्	॥ 5 ॥
यं युवं दाश्वध्वराय देवा रयिं धृत्यो वसुमन्तं पुरुक्षुम्	
अस्मे स इन्द्रावरुणावपि ष्यात्प्र यो भनक्ति वनुषामशस्तीः	॥ 6 ॥
उत नः सुत्रात्रो देवगोपाः सूरिभ्य इन्द्रावरुणा रयिः ष्यात्	
येषां शुष्मः पृतनासु साह्वान्प्र सद्यो द्युम्ना तिरते ततुरिः	॥ 7 ॥
नू न इन्द्रावरुणा गृणाना पृङ्क्तं रयिं सौश्रवसाय देवा	
इत्था गृणन्तो महिनस्य शर्धोऽपो न नावा दुरिता तरेम	॥ 8 ॥
प्र सम्राजै बृहते मन्म नु प्रियमर्च देवाय वरुणाय सप्रथः	
अयं य उर्वी मंहिना महिव्रतः क्रत्वा विभात्यजरो न शोचिषा	॥ 9 ॥
इन्द्रावरुणा सुतपाविमं सुतं सोमं पिबतं मद्यं धृतव्रता	
युवो रथो अध्वरं देववीतये प्रति स्वसरमुप याति पीतये	॥ 10 ॥
इन्द्रावरुणा मधुमत्तमस्य वृष्णः सोमस्य वृषणा वृषेथाम्	
इदं वामन्धुः परिषिक्तमस्मे आसद्यास्मिन्बर्हिषि मादयेथाम्	॥ 11 ॥

ऋषिः भरद्वाजः बार्हस्पत्यः

छन्दः त्रिष्टुप्

देवता इन्द्राविष्णु

सं वां कर्मणा समिषा हिंनोमीन्द्राविष्णु अपसस्पारे अस्य	
जुषेथां यज्ञं द्रविणं च धत्तमरिष्टैर्नः पृथिभिः पारयन्ता	॥ 1 ॥
या विश्वासां जनितारा मतीनामिन्द्राविष्णु क्लशा सोमधाना	
प्र वां गिरः शस्यमाना अवन्तु प्र स्तोमांसो गीयमानासो अर्कैः	॥ 2 ॥
इन्द्राविष्णु मदपती मदानामा सोमं यातं द्रविणो दधाना	

सं वामञ्जन्त्वक्तुभिर्मतीनां सं स्तोमासः शस्यमानास उक्थैः	॥ 3 ॥
आ वामश्वासो अभिमातिषाह इन्द्राविष्णू सधुमादो वहन्तु	
जुषेथां विश्वा हवना मतीनामुप ब्रह्माणि शृणुतं गिरो मे	॥ 4 ॥
इन्द्राविष्णू तत्पनयाय्यं वां सोमस्य मद उरु चक्रमाथे	
अकृणुतमन्तरिक्षं वरीयोऽप्रथतं जीवसे नो रजांसि	॥ 5 ॥
इन्द्राविष्णू हविषा वावृधानाग्राद्धाना नमसा रातहव्या	
घृतासुती द्रविणं धत्तमस्मे समुद्रः स्थः कलशः सोमधानः	॥ 6 ॥
इन्द्राविष्णू पिबतं मध्वो अस्य सोमस्य दस्रा जठरं पृणेत्याम्	
आ वामन्धांसि मदिराण्यग्मन्नपु ब्रह्माणि शृणुतं हवं मे	॥ 7 ॥
उभा जिग्यथुर्न परा जयेथे न परा जिग्ये कतरश्चनैनोंः	
इन्द्रश्च विष्णो यदपस्पृधेथां त्रेधा सहस्रं वि तदैरयेथाम्	॥ 8 ॥

(6)

70

(म.6, अनु.6)

ऋषिः भरद्वाजः बार्हस्पत्यः

छन्दः जगती

देवता द्यावापृथिवी

घृतवती भुवनानामभिश्चियोर्वी पृथ्वी मधुदुघे सुपेशसा	
द्यावापृथिवी वरुणस्य धर्मणा विष्कभिते अजरे भूरिरेतसा	॥ 1 ॥
असंश्चन्ती भूरिधारे पर्यस्वती घृतं दुहाते सुकृते शुचिव्रते	
राजन्ती अस्य भुवनस्य रोदसी अस्मे रेतः सिञ्चतं यन्मनुर्हितम्	॥ 2 ॥
यो वामृजवे क्रमणाय रोदसी मतो ददाश धिषणे स साधति	
प्र प्रजाभिर्जायते धर्मणस्परि युवोः सिक्ता विषुरूपाणि सत्रता	॥ 3 ॥
घृतेन द्यावापृथिवी अभीवृते घृतश्रिया घृतपृचा घृतावृधा	
उर्वी पृथ्वी होतृवूर्ये पुरोहिते ते इद्विप्रा ईळते सुममिष्ट्ये	॥ 4 ॥
मधु नो द्यावापृथिवी मिमिक्षतां मधुश्रुतां मधुदुघे मधुव्रते	
दधाने यज्ञं द्रविणं च देवता महि श्रवो वाजमस्मे सुवीर्यम्	॥ 5 ॥
ऊर्जं नो द्यौश्च पृथिवी च पिन्वतां पिता माता विश्वविदा सुदंससा	
संरराणे रोदसी विश्वशंभुवा सनिं वाजं रयिमस्मे समिन्वताम्	॥ 6 ॥

(6)

71

(म.6, अनु.6)

ऋषिः भरद्वाजः बार्हस्पत्यः

छन्दः जगती 1-3, त्रिष्टुप् 4-6

देवता सविता

उदु ष्य देवः सविता हिरण्यया बाहू अयंस्तु सर्वनाय सुक्रतुः	
घृतेन पाणी अभि प्रुष्णुते मुखो युवा सुदक्षो रजसो विधर्मणि	॥ 1 ॥
देवस्य वयं सवितुः सवीमनि श्रेष्ठे स्याम वसुनश्च दावने	
यो विश्वस्य द्विपदो यश्चतुष्पदो निवेशने प्रसवे चासि भूमनः	॥ 2 ॥

अदब्धेभिः सवितः प्रायुभिष्टं शिवेभिरुद्य परि पाहि नो गयम् |  
 हिरण्यजिह्वः सुविताय नव्यसे रक्षा मार्किर्नो अघशंस ईशत || 3 ||  
 उदु ष्य देवः सविता दमूना हिरण्यपाणिः प्रतिदोषमस्थात् |  
 अयोहनुर्यजतो मन्द्रजिह्व आ दाशुषे सुवति भूरि वामम् || 4 ||  
 उदू अयाँ उपवक्तेवं बाहू हिरण्यया सविता सुप्रतीका |  
 दिवो रोहांस्यरुहत्पृथिव्या अरीरमत्पृतयत्कच्चिदभ्वम् || 5 ||  
 वाममद्य सवितवाममु श्वो दिवेदिवे वाममस्मभ्यं सावीः |  
 वामस्य हि क्षयस्य देव भूरैरया धिया वामभाजः स्याम || 6 ||

(5)

72

(म.6, अनु.6)

ऋषिः भरद्वाजः बार्हस्पत्यः	छन्दः त्रिष्टुप्	देवता इन्द्रासोमौ
----------------------------	------------------	-------------------

इन्द्रासोमा महि तद्वानि महित्वं युवं महानि प्रथमानि चक्रथुः |  
 युवं सूर्यं विविदथुर्युवं स्वर्विश्व्वा तमांस्यहतं निदश्च || 1 ||  
 इन्द्रासोमा वासयथ उषासमुत्सूर्यं नयथो ज्योतिषा सह |  
 उप द्यां स्कम्भथुः स्कम्भनेनाप्रथतं पृथिर्वी मातरं वि || 2 ||  
 इन्द्रासोमावहिम्पः परिष्ठां हथो वृत्रमनु वां द्यौरमन्यत |  
 प्राणांस्यैरयतं नदीनामा समुद्राणि पप्रथुः पुरूणि || 3 ||  
 इन्द्रासोमा पक्रमामास्वन्तर्नि गवामिदधथुर्वक्षणासु |  
 जगृभथुरनपिनद्धमासु रुशञ्चित्रासु जगतीष्वन्तः || 4 ||  
 इन्द्रासोमा युवमङ्ग तरुत्रमपत्यसाचं श्रुत्यं रराथे |  
 युवं शुष्मं नर्यं चर्षणिभ्यः सं विव्यथुः पृतनाषाहमुग्रा || 5 ||

(3)

73

(म.6, अनु.6)

ऋषिः भरद्वाजः बार्हस्पत्यः	छन्दः त्रिष्टुप्	देवता बृहस्पतिः
----------------------------	------------------	-----------------

यो अद्विभित्प्रथमजा ऋतावा बृहस्पतिराङ्गिरसो हविष्मान् |  
 द्विबर्हज्मा प्राघर्मसत्पिता न आ रोदसी वृषभो रौरवीति || 1 ||  
 जनाय चिद्य ईवत उ लोकं बृहस्पतिर्देवहृतौ चकारं |  
 घ्नन्वृत्राणि वि पुरो दर्दरीति जयञ्छत्रूरमित्रान्पृत्सु साहन् || 2 ||  
 बृहस्पतिः समजयद्वसूनि महो व्रजान् गोमतो देव एषः |  
 अपः सिषासन्त्स्वश्रप्रतीतो बृहस्पतिर्हन्त्यमित्रमर्कैः || 3 ||

ऋषिः भरद्वाजः बार्हस्पत्यः

छन्दः त्रिष्टुप्

देवता सोमारुद्रौ

सोमारुद्रा धारयेथामसुर्यं प्र वामिष्टयोऽरमश्रुवन्तु	
दमेदमे सप्त रत्ना दधाना शं नो भूतं द्विपदे शं चतुष्पदे	॥ 1 ॥
सोमारुद्रा वि वृहत्तं विषूचीममीवा या नो गयमाविवेश	
आरे बाधेथां निऋतिं पराचैरस्मे भद्रा सौश्रवसानि सन्तु	॥ 2 ॥
सोमारुद्रा युवमेतान्यस्मे विश्वा तनूषु भेषजानि धत्तम्	
अव स्यतं मुञ्चतं यन्नो अस्ति तनूषु बद्धं कृतमेनो अस्मत्	॥ 3 ॥
तिग्मायुधौ तिग्महेती सुशेवौ सोमारुद्राविह सु मृळतं नः	
प्र नो मुञ्चतं वरुणस्य पाशाद्गोपायतं नः सुमनस्यमाना	॥ 4 ॥

ऋषिः पायुः भारद्वाजः छन्दः त्रिष्टुप् 1-5,7-9,11,14,18, जगती 6,10, अनुष्टुप् 12-13,15-16,19,

पङ्क्तिः 17 देवता वर्म 1, धनुः 2, ज्या 3, आर्त्ती 4, इषुधिः 5, सारथिरश्मयः 6, अश्वः 7, रथः 8,  
 रथगोपाः 9, ब्राह्मण-पितृ-सोम-द्यावापृथिवी-पूषणः 10, इषवः 11-12,15-16, प्रतोदः 13, हस्तघ्नः 14,  
 युद्धभूमि-कवच-ब्रह्मणस्पत्यदितयः 17, वर्म-सोम-वरुणाः 18, देवब्रह्मणि 19

जीमूतस्येव भवति प्रतीकं यद्वर्मा याति समदामुपस्थे	
अनाविद्धया तन्वा जय त्वं स त्वा वर्मणो महिमा पिपर्तु	॥ 1 ॥
धन्वना गा धन्वनाजि जयेम धन्वना तीव्राः समदो जयेम	
धनुः शत्रौरपक्रामं कृणोति धन्वना सर्वाः प्रदिशो जयेम	॥ 2 ॥
वक्ष्यन्तीवेदा गनीगन्ति कर्णं प्रियं सखायं परिष्वजाना	
योषैव शिङ्क्ते वितताधि धन्वञ्ज्या इयं समने पारयन्ती	॥ 3 ॥
ते आचरन्ती समनेव योषा मातेव पुत्रं बिभृतामुपस्थे	
अप शत्रून्विध्यतां संविदाने आर्त्ती इमे विष्फुरन्ती अमित्रान्	॥ 4 ॥
बह्वीनां पिता बहुरस्य पुत्रश्चिश्चा कृणोति समनावगत्य	
इषुधिः सङ्काः पृतनाश्च सर्वाः पृष्ठे निनद्धो जयति प्रसूतः	॥ 5 ॥

रथे तिष्ठन्नयति वाजिनः पुरो यत्रयत्र कामयते सुषारथिः	
अभीशूनां महिमानं पनायत् मनः पश्चादनु यच्छन्ति रश्मयः	॥ 6 ॥
तीब्रान्घोषान्कृण्वते वृषपाणयोऽश्वा रथेभिः सह वाजयन्तः	
अवक्रामन्तः प्रपदैरमित्रान् क्षिणन्ति शत्रूरनपव्ययन्तः	॥ 7 ॥
रथवाहनं हविरस्य नाम यत्रायुधं निहितमस्य वर्म	
तत्रा रथमुप शगमं सदेम विश्वाहा वयं सुमनस्यमानाः	॥ 8 ॥
स्वादुषंसदः पितरो वयोधाः कृच्छ्रेश्रितः शक्तीवन्तो गभीराः	
चित्रसेना इषुबला अमृध्राः सतोवीरा उरवो व्रातसाहाः	॥ 9 ॥



ब्राह्मणासुः पितरुः सोम्यासः शिवे नो द्यावापृथिवी अनेहसा |  
 पूषा नः पातु दुरितादृतावृधो रक्षा मार्किर्नो अघशंस ईशत || 10 ||  
 सुपूर्णं वस्ते मृगो अस्या दन्तो गोभिः संनद्धा पतति प्रसूता |  
 यत्रा नरः सं च वि च द्रवन्ति तत्रास्मभ्यमिषवः शर्मं यंसन् || 11 ||  
 ऋजीते परि वृद्धिधु नोऽश्मा भवतु नस्तनूः। सोमो अधि ब्रवीतु नोऽदितिः शर्मं यच्छतु || 12 ||  
 आ जङ्घन्ति सान्वेषां जघनां उप जिघ्रते । अश्वाजनि प्रचेतसोऽश्वान्त्समत्सु चोदय || 13 ||  
 अहिरिव भोगैः पर्येति ब्राह्मं ज्यायां हेतिं परिबाधमानः |  
 हस्तध्नो विश्वा व्युनानि विद्वान्युमान्युमांसं परि पातु विश्वतः || 14 ||  
 आलाक्ता या रुरुशीर्ष्यथो यस्या अयो मुखम् । इदं पर्जन्यरेतसु इष्वै देव्यै बृहन्नमः || 15 ||  
 अवसृष्टा परा पतु शरव्ये ब्रह्मसंशिते । गच्छामित्रान्प्र पद्यस्व मामीषां कं चनोच्छिषः || 16 ||  
 यत्र बाणाः संपतन्ति कुमारा विशिखाइव |  
 तत्रा नो ब्रह्मणस्पतिरदितिः शर्मं यच्छतु विश्वाहा शर्मं यच्छतु || 17 ||  
 मर्माणि ते वर्मणा छादयामि सोमस्त्वा राजामृतेनानु वस्ताम् |  
 उरोर्वरीयो वरुणस्ते कृणोतु जयन्तं त्वानु देवा मदन्तु || 18 ||  
 यो नः स्वो अरणो यश्च निष्ट्यो जिघांसति । देवास्तं सर्वे धूर्वन्तु ब्रह्म वर्म ममान्तरम् || 19 ||

| इति षष्ठं मण्डलं समाप्तम् ।